

III. OUTRAS DISPOSICIÓNS**AXENCIA PARA A MODERNIZACIÓN TECNOLÓXICA DE GALICIA**

RESOLUCIÓN do 27 de agosto de 2025 pola que se anuncia a convocatoria das probas de avaliación de carácter libre para a obtención do certificado de competencias dixitais (ComDix) no seu nivel Iniciación.

A Axencia para a Modernización Tecnolóxica de Galicia, na súa condición de entidade pública instrumental do sector público, ten, entre as súas funcións, favorecer un contexto dixital en que a cidadanía poida alcanzar, actualizar e mellorar as súas competencias dixitais, en liña cos cambios e os usos tecnolóxicos que se integren na sociedade.

Para tal fin, e tendo como referente o Marco europeo de competencias dixitais na súa versión DigComp 2.2, o Decreto 123/2021, do 2 de setembro, regulou o Marco galego de competencias dixitais e a certificación galega en competencias dixitais, de acordo co establecido na Lei 4/2019, do 17 de xullo, de administración dixital de Galicia, co obxectivo de alcanzar unha cidadanía dixitalmente responsable nunha contorna en que, cada vez máis, se require o uso da tecnoloxía case a diario.

O artigo 3 do citado Decreto 123/2021 establece que o desenvolvemento específico das dimensións e especializacións do marco en función dos grupos destinatarios se incluírá no documento Bases para o desenvolvemento do Marco galego de competencias dixitais.

O 11 de setembro de 2023 aprobouse unha primeira versión deste documento no que se identifica como unha das vías de obtención do certificado galego en competencias dixitais (ComDix) a realización dunha proba de certificación específica que permita demostrar ter os coñecementos, as habilidades e as aptitudes propias das devanditas competencias. Actualmente, na súa terceira versión, aprobada o 30 de xuño de 2025 polo Consello Reitor da Amtega, mantense esta vía de obtención.

Esta proba de certificación complementase coa posta ao dispor das persoas interesadas de contidos en liña en réxime de autoformación, de uso voluntario, para adquirir os coñecementos, as habilidades e as aptitudes dixitais, e que servirán de referencia antes de presentarse á proba de certificación.

Así mesmo, establece no seu artigo 13 que a propia Amtega, a través das aulas da Rede de centros para a modernización e a inclusión tecnolóxica (Rede CeMIT), cooperará, no seu ámbito de competencia, na execución das actuacións para a xestión da certificación en

CVE-DOG: u85st5v5-fuh8-fg89-cuc1-ammcx5xuttx7



competencias dixitais, estando habilitada e autorizada para a formación e avaliación para a súa obtención.

De acordo co anterior,

RESOLVO:

Convocar as probas de certificación para a obtención do certificado galego de competencias dixitais-nivel iniciación (en diante, ComDix-Iniciación), que deberán desenvolverse segundo as bases detalladas no anexo I e o calendario que figura no anexo II.

Santiago de Compostela, 27 de agosto de 2025

Julián Cerviño Iglesia
Director da Axencia para a Modernización Tecnolóxica de Galicia

ANEXO I

**Probas de certificación para a obtención do certificado de competencias dixitais,
nivel iniciación (ComDix-Iniciación)**

Bases

Primeira. Datas e realización das probas

1. As probas desenvolveranse os días 29, 30 e 31 de outubro de 2025.

2. Terán lugar segundo o calendario que figura no anexo II, onde se relacionan os lugares con aulas CeMIT dispoñibles, as prazas convocadas por cada localidade, as datas e os horarios de realización.

Segunda. Itinerario formativo

1. Para a preparación das probas de certificación de nivel iniciación ponse ao dispor do usuario, como material de apoio, o programa de autoformación conformado por un itinerario formativo composto por 7 cursos.

Curso
• Empezamos! Que nivel de competencias teño? Introducción ao Marco galego de competencias dixitais.
• ComDix iniciación I: coñece a contorna dixital.
• ComDix iniciación II: ten a información dixital sempre a man; buscar, seleccionar e gardar.
• ComDix iniciación III: tecnoloxías dixitais para conversar, compartir e colaborar.

CVE-DOG: u85st5v5-fuh8-fg89-cuc1-ammcx5xuttx7



- | |
|--|
| • ComDix iniciación IV: participa na sociedade dixital; as vantaxes da administración electrónica. |
| • ComDix iniciación V: crea contidos dixitais con ferramentas ofimáticas e multimedia. |
| • ComDix iniciación VI: atopa o benestar dixital: tecnoloxía con «sentido». |

2. O acceso aos contidos pode realizarse en calquera momento e estarán dispoñibles permanentemente na plataforma de teleformación <https://formacion-cemit.xunta.gal>

3. A realización total ou parcial do itinerario formativo non dá dereito á expedición do certificado de competencias dixitais (ComDix), que se obterá unicamente pola superación da proba de certificación regulada nesta convocatoria.

4. Cada persoa determinará libremente as actividades formativas nas que quere inscribirse e o período durante o cal vai traballar na actividade ou actividades do programa de autoformación elixidas.

5. O acceso aos contidos das actividades do programa de autoformación non implica a obrigación de presentarse ás probas de certificación reguladas nin é tampouco un requisito para matricularse nelas.

Terceira. *Solicitudes de participación e prazo de inscrición*

1. As persoas que desexen participar nas probas de certificación deberán ser maiores de 16 anos e inscribirse na páxina web da rede CeMIT <https://cemit.xunta.gal> antes da finalización do prazo de inscrición.

2. Con carácter previo á inscrición é necesario darse de alta como usuario/a da Rede CeMIT no enderezo electrónico <https://aulascemit.xunta.es/usuarios>, para o que é imprescindible facilitar unha conta persoal de correo electrónico.

3. Os datos persoais cos que a persoa se inscriba na páxina web da Rede CeMIT serán os que se tomen de referencia durante todo o proceso de selección para a participación nas probas e a posterior emisión das certificacións. A Amtega non se fai responsable da emisión de certificacións con datos incorrectos por erros na inscrición ás probas.

4. O prazo para a inscrición será de catorce (14) días naturais contados a partir do seguinte ao da publicación desta resolución no *Diario Oficial de Galicia*. Se o último día do prazo é inhábil, entenderase prorrogado ao primeiro día hábil seguinte.

CVE-DOG: u85st5v5-fuh8-fg89-cuc1-ammcx5xuttx7



5. Soamente se poderá presentar unha solicitude de inscrición por persoa participante, sendo excluídas automaticamente aquelas persoas que figuren rexistradas en máis dunha localidade ou horario.

6. Unha vez que finalice o prazo de inscrición e aplicados os criterios de selección que se recollen na base cuarta, publicarase a relación provisional de persoas admitidas en cada unha das localidades na páxina web da Rede CeMIT (<https://cemit.xunta.gal>), así como a listaxe de reservas e de excluídas.

Cuarta. *Criterios de selección*

1. Se existisen máis solicitudes que o número de prazas en cada unha das localidades, as prazas dispoñibles distribuiranse entre as persoas prerexistradas en tempo e forma. A orde de asignación será o resultado dun sorteo público, que se realizará unha vez finalizado o prazo de inscrición.

2. Para elaborar a listaxe tomarase a data e a hora de rexistro no sistema e asignarase o número un (1) ao primeiro solicitante e así sucesivamente ata o último rexistro.

3. Realizarase un sorteo a través dunha aplicación informática que seleccionará aleatoriamente un único número de entre os que integran a lista de solicitantes do punto anterior. Este número corresponderá ao día, á hora e ao minuto concreto en que se realizou a pre-inscrición.

4. As prazas adxudicaranse a partir da solicitude correspondente co número determinado no parágrafo anterior da lista previamente ordenada e continuarase, ata esgotar as prazas vacantes e reservadas, para aquelas solicitudes ás que correspondan os seguintes números segundo a orde ascendente da serie numérica.

5. Para os efectos do número anterior, no caso de finalizar a lista sen cubrir o número total de prazas dispoñibles, continuarase desde o seu comezo.

6. Os resultados do sorteo publicaranse na web da Rede CeMIT para a súa consulta pública (<https://cemit.xunta.gal>).

Quinta. *Publicación da relación do persoal seleccionado*

1. Para cada proba de certificación en cada unha das localidades, días e horarios de realización, publicarase na páxina web <https://cemit.xunta.gal> unha relación provisional de

CVE-DOG: u85st5v5-fuh8-fg89-cuc1-ammcx5xuttx7



persoas admitidas e excluídas, así como un número adecuado de reservas, de conformidade co disposto no artigo 45.1.b) da Lei 39/2015, do 1 de outubro, do procedemento administrativo común das administracións públicas (BOE núm. 236, do 2 de outubro).

2. As persoas que resulten seleccionadas provisionalmente recibirán un correo electrónico confirmatorio da súa selección e poderán comunicar a súa desistencia para participar na proba nun prazo de dez (10) días naturais desde a publicación da listaxe provisional. Esta renuncia deberá comunicarse por correo electrónico ao enderezo formacion-cemit@xunta.gal

No caso de non rexeitala expresamente no citado prazo, entenderase que a persoa seleccionada acepta participar na proba de certificación para a cal foi admitida provisionalmente.

3. Así mesmo, as persoas interesadas terán un prazo de dez (10) días naturais desde a devandita publicación para presentar alegacións, de conformidade co artigo 68.1 da Lei 39/2015, do 1 de outubro, do procedemento administrativo común das administracións públicas.

4. Tras vencer estes prazos de presentación, publicarase na web da Rede CeMIT (<https://cemit.xunta.gal/es>) a listaxe definitiva de persoas admitidas nas probas, que finalmente obtiveron praza logo da renuncia daquelas seleccionadas provisionalmente. Contra esta listaxe poderase interpoñer recurso de alzada no prazo dun (1) mes desde a devandita publicación, de conformidade co disposto nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

Sexta. Procedemento de asignación de prazas non cubertas

1. Logo de vencer os prazos sinalados na base quinta e no caso de que existisen prazas vacantes para realizar as probas, logo da publicación da listaxe definitiva de persoas admitidas, abrírase un período extraordinario para a adxudicación destas prazas, que serán publicadas na web CeMIT (<https://cemit.xunta.gal>) e que poderán ser solicitadas unicamente polos interesados que figuren nas listaxes de espera e que non obtiveron praza definitiva.

2. O prazo máximo para presentar a solicitude de participación nesta fase será de dúas (2) días hábiles, contados desde o día da publicación na web CeMIT da listaxe de prazas dispoñibles, a través do correo electrónico dirixido a formacion-cemit@xunta.gal. Na devandita comunicación os solicitantes deberán indicar os seus datos identificables (nome,

CVE-DOG: u85st5v5-fuh8-fg89-cuc1-ammcx5xuttx7



apelidos e o número do DNI), así como a localidade ou as localidades con prazas vacantes nas que están interesados en realizar a proba por orde de prioridade.

3. Só se permitirá unha solicitude por persoa, no caso de recibir máis dunha, só se terá en conta a primeira recibida. Transcorrido o tempo de presentación, as prazas vacantes adxudicaranse por estrita orde de chegada de solicitudes.

4. A listaxe coa adxudicación definitiva das prazas vacantes publicárase na páxina web da Rede CeMIT (<https://cemit.xunta.gal/>).

Sétima. Exención do pagamento de taxas de exame

1. Segundo o establecido no artigo 23.10 da Lei 6/2003, do 9 de decembro, de taxas, prezos e exencións reguladoras da Comunidade Autónoma de Galicia (DOG núm. 240, do 11 de decembro), referente ás exencións de taxa por servizos administrativos, a matrícula nesta convocatoria estará exenta do pagamento de taxas.

Oitava. Penalizacións

1. Unha vez publicadas as listaxes definitivas dos participantes nas probas, as ausencias que houberse deben ser formalmente comunicadas e xustificadas mediante un correo electrónico a formacion-cemit@xunta.gal

2. Todas as ausencias á proba que non presenten xustificación suporán a condición de non presentado da persoa participante e estará suxeita ás penalizacións indicadas no apartado 5 desta base.

3. Se o motivo da non presentación é xustificado, deberá presentar o comprobante correspondente a través do correo electrónico para que poida inscribirse na próxima convocatoria.

4. Consideraranse causas xustificadas: accidente, hospitalización, nacemento ou adopción, falecemento dun familiar ata o segundo grao de consanguinidade ou primeiro de afinidade, obrigacións públicas ineludibles e outras de carácter igualmente excepcional.

5. O usuario non poderá inscribirse nunha nova proba no prazo de doce meses no caso de non presentación sen xustificación ou de incumprimento grave das normas, cal-

CVE-DOG: u85st5v5-fuh8-fg89-cuc1-ammcx5xuttx7



quera que sexa o tipo de certificación. Considéranse infraccións graves das normas as seguintes:

- Uso de material de estudo, acceso a páxinas web non permitidas ou uso doutros recursos que representen unha axuda non permitida á hora de responder as preguntas do exame.
- Anotación ou captura de preguntas do exame que logo poidan filtrarse a outras persoas.
- Calquera conduta sospeitosa que supoña un intento de copia ou fraude identificada polo responsable da proba.

Novena. *Desenvolvemento das probas de certificación*

1. A proba de certificación para a obtención do certificado ComDix realizarase na plataforma habilitada para o efecto pola Axencia para a Modernización Tecnolóxica de Galicia.

2. A estrutura desta proba será a seguinte:

- Estará dispoñible tanto en galego como en castelán, para que a persoa usuaria poida seleccionar o idioma no momento de realizar a proba.
- Constará dun cuestionario composto por entre 60 e 70 preguntas de diversa complexidade que inclúe a avaliación das 21 competencias establecidas na estrutura do Marco galego ComDix.
- Tipoloxía de preguntas: pregunta simple, múltiple, arrastrar, relacionar...
- Non haberá penalización por preguntas incorrectas.
- Durante a realización da proba está permitido o acceso e consulta á Internet e aos programas instalados no equipo usado para realizar a proba (navegador, solución ofimática e lector de PDF), de feito, para algunhas preguntas será necesario utilízalos.
- Dispoñeráse dun tempo máximo de 90 minutos para realizar a proba.
- Serán considerados aptos/as aqueles/as que superen o 60 % das preguntas referentes a cada unha das 5 áreas e o 70 % do total das preguntas.

CVE-DOG: u85st5v5-fuh8-fg89-cuc1-ammcx5xuttx7



- Se algún candidato non finaliza a proba no tempo establecido, o exame darase por concluído e enviarase automaticamente para a súa corrección.

- Unha vez que cada candidato complete a súa proba, poderá coñecer a súa puntuación, o seu resultado (apto/a ou non apto/a) e o número de preguntas incorrectas.

3. As persoas con discapacidade legalmente recoñecida poderán solicitar a adaptación do tempo ou dos medios necesarios para realizar a proba. Esta adaptación deberá comunicarse cunha antelación mínima de cinco (5) días á data de realización da proba por correo electrónico ao enderezo formacion-cemit@xunta.gal

4. Non se autoriza o uso de dispositivos electrónicos ou calquera outro material adicional durante o desenvolvemento das probas de certificación.

Décima. Corrección e revisión das probas

1. Inmediatamente despois de finalizar a proba, na mesma plataforma de certificación, os participantes poderán realizar observacións e/ou solicitar a revisión dalgunha pregunta na que estean en desacordo.

2. Posteriormente, levarase a cabo unha análise das preguntas obxecto de revisión para determinar a admisión, a anulación ou a posibilidade de modificación desas.

3. As preguntas que resulten anuladas poden supoñer un cambio nos resultados dos participantes non aptos. Estas anulacións non afectarán negativamente as cualificacións obtidas por aquelas persoas que xa obtivesen a puntuación de apto/a.

4. A modificación dos resultados finais tras a revisión de preguntas realizaraas de oficio a Administración e será notificada aos participantes afectados.

Décimo primeira. Publicación da relación dos resultados finais

1. Finalizado todo o proceso de corrección e revisión das preguntas, publicarase na páxina web <https://cemit.xunta.gal> un anuncio coas preguntas anuladas que puidesen afectar os resultados iniciais dos participantes na convocatoria e a listaxe final de persoas aptas con dereito a certificación.

CVE-DOG: u85st5v5-fuh8-fg89-cuc1-ammcx5xuttx7



2. As persoas que resulten aptas recibirán un correo electrónico no que se confirmará o seu resultado e se indicarán os seus datos persoais e a información relacionada coa realización da proba, como xustificante provisional ata a emisión do certificado final.

Décimo segundo. *Emisión da certificación ComDix*

1. Esta certificación será emitida de oficio conforme os procedementos establecidos no Marco galego de competencias dixitais e de acordo co que se recolle no documento «Bases para o desenvolvemento do Marco galego de competencias dixitais».

2. Esta acreditación terá unha validez de cinco anos a partir da data da expedición.

Décimo terceira. *Notificacións*

1. As persoas que superen as probas de certificación serán notificadas preferentemente por medios electrónicos, e poderán decidir e comunicar en calquera momento que as sucesivas notificacións se realicen ou se deixen de realizar por medios electrónicos.

2. As notificacións electrónicas realizaranse a través do Sistema de notificación electrónica de Galicia-Notifica.gal, dispoñible a través da sede electrónica da Xunta de Galicia (<https://sede.xunta.gal/>). Este sistema enviará ás persoas interesadas avisos da dispoñibilidade das notificacións mediante un correo electrónico dirixido ao enderezo de correo electrónico incluído na solicitude para os efectos de notificación.

3. As notificacións realizadas por medios electrónicos consideraranse realizadas no momento de acceder ao seu contido. Cando a notificación por medios electrónicos sexa obrigatoria, ou fose expresamente elixida pola persoa interesada, consideraranse rexeitada cando transcorran dez días naturais desde que se puxo á disposición a notificación sen acceder ao seu contido.

4. Se por problemas técnicos non fose posible o envío da notificación electrónica, realizarase a notificación polos medios previstos na normativa que regula o procedemento administrativo común.

Décimo cuarta. *Facultades da Axencia para a Modernización Tecnolóxica de Galicia*

1. Resolver aquelas incidencias que se poidan producir no desenvolvemento e na xestión das actividades formativas e de certificación. Así mesmo, na correspóndelle dispoñer o necesario para a execución e o cumprimento desta resolución.

CVE-DOG: u85st5v5-fuh8-fg89-cuc1-ammcx5xuttx7



2. Expedir a certificación galega de competencias dixitais a todas aquelas persoas que superen con éxito a proba de certificación, segundo o disposto no Decreto 123/2021, do 2 de setembro, polo que se regula esta certificación.

Décimo quinta. *Información sobre protección de datos persoais*

1. Os datos persoais recollidos neste procedemento serán tratados na súa calidade de responsable pola Xunta de Galicia-Axencia para a Modernización Tecnolóxica de Galicia coa finalidade de levar a cabo a inscrición, a selección e a xestión xeral desta convocatoria de probas de certificación.

2. O tratamento de datos baséase no cumprimento dunha misión de interese público ou no exercicio de poderes públicos, de conformidade co disposto na Lei 4/2019, do 17 de xullo, de administración dixital de Galicia, e no Decreto 123/2021, do 2 de setembro, polo que se regula o Marco galego de competencias dixitais e a Certificación galega en competencias dixitais, nesta convocatoria e nas referencias recollidas en <https://www.xunta.gal/informacion-xeral-proteccion-datos>

3. Os datos poderán ser comunicados a terceiros colaboradores para a titorización da acción formativa e a expedición do certificado de competencias dixitais, coa finalidade de informar as persoas interesadas sobre o seu desenvolvemento e xestionar a súa expedición e arquivamento. Determinados datos tamén poderán ser comunicados a entidades que colaboren na supervisión e na xestión de probas de coñecementos ou de avaliación, para que non se cometan irregularidades.

4. Para dar a publicidade requirida ao procedemento, de acordo co disposto na Lei 39/2015, do 1 de outubro, do procedemento administrativo común das administracións públicas, os datos identificables das persoas interesadas publicaranse de conformidade co que se describe nesta resolución a través dos distintos medios de comunicación institucional de que dispón a Xunta de Galicia, tales como xornais oficiais, páxinas web ou taboleiros de anuncios.

5. As persoas interesadas poderán solicitar ao responsable o acceso, a rectificación e a supresión dos seus datos, así como exercer outros dereitos a través da sede electrónica da Xunta de Galicia, persoalmente ou nos lugares e nos rexistros establecidos na normativa reguladora do procedemento administrativo común, segundo se explicita na información adicional recollida en <https://www.xunta.gal/informacion-xeral-proteccion-datos>

CVE-DOG: u85st5v5-fuh8-fg89-cuc1-ammcx5xutx7



6. Información adicional e contacto co delegado de protección de datos en:
<https://www.xunta.gal/informacion-xeral-proteccion-datos>

ANEXO II

Lugares e datas de realización das probas para a obtención do certificado

Primeira. *Calendario das probas*

As probas de certificación presencial desenvolveranse segundo o seguinte calendario.

Estas probas terán lugar nas dependencias das aulas CeMIT de cada localidade, nos días e nas horas que se relacionan, e co número de prazas dispoñibles que se corresponden coa capacidade de cada aula.

As localizacións físicas de cada aula pódense consultar na web
<https://cemit.xunta.gal/centros>

– Convocatoria de outubro: días 29, 30 e 31.

Localidade	Provincia	Día	Hora	Prazas
Ames	Coruña, A	Mércores, 29 de outubro	10.00 h	13
Boborás	Ourense	Mércores, 29 de outubro	10.00 h	12
Carballedo	Lugo	Mércores, 29 de outubro	10.00 h	8
Castro de Miño	Ourense	Mércores, 29 de outubro	10.00 h	9
Celanova	Ourense	Mércores, 29 de outubro	10.00 h	12
Coruña, A	Coruña, A	Mércores, 29 de outubro	10.00 h	16
Estrada, A	Pontevedra	Mércores, 29 de outubro	10.00 h	10
Lugo	Lugo	Mércores, 29 de outubro	10.00 h	12
Marín	Pontevedra	Mércores, 29 de outubro	10.00 h	15
Moaña	Pontevedra	Mércores, 29 de outubro	10.00 h	14
Monforte	Lugo	Mércores, 29 de outubro	10.00 h	16
Porriño, O	Pontevedra	Mércores, 29 de outubro	10.00 h	12
Ribeira	Coruña, A	Mércores, 29 de outubro	10.00 h	10
Sada	Coruña, A	Mércores, 29 de outubro	10.00 h	10
Santiago de Compostela	Coruña, A	Mércores, 29 de outubro	10.00 h	16
Tomiño	Pontevedra	Mércores, 29 de outubro	10.00 h	9
Vilagarcía de Arousa	Pontevedra	Mércores, 29 de outubro	10.00 h	20

Localidade	Provincia	Día	Hora	Prazas
Abegondo	Coruña, A	Mércores, 29 de outubro	12.00 h	10



Localidade	Provincia	Día	Hora	Prazas
Boborás	Ourense	Mércores, 29 de outubro	12.00 h	12
Carballo	Coruña, A	Mércores, 29 de outubro	12.00 h	20
Castrelo de Miño	Ourense	Mércores, 29 de outubro	12.00 h	9
Coruña, A	Coruña, A	Mércores, 29 de outubro	12.00 h	16
Leiro	Coruña, A	Mércores, 29 de outubro	12.00 h	7
Lugo	Lugo	Mércores, 29 de outubro	12.00 h	12
Moaña	Pontevedra	Mércores, 29 de outubro	12.00 h	14
Ribeira	Coruña, A	Mércores, 29 de outubro	12.00 h	10
Sada	Coruña, A	Mércores, 29 de outubro	12.00 h	10
Santiago de Compostela	Coruña, A	Mércores, 29 de outubro	12.00 h	16
Tomíño	Pontevedra	Mércores, 29 de outubro	12.00 h	9
Valga	Pontevedra	Mércores, 29 de outubro	12.00 h	12
Vigo	Pontevedra	Mércores, 29 de outubro	12.00 h	12
Vilagarcía de Arousa	Pontevedra	Mércores, 29 de outubro	12.00 h	20

Localidade	Provincia	Día	Hora	Prazas
A Cañiza	Pontevedra	Mércores, 29 de outubro	16.30 h	18
Celanova	Ourense	Mércores, 29 de outubro	16.30 h	12
Cerceda	Coruña, A	Mércores, 29 de outubro	16.30 h	10
Leiro	Coruña, A	Mércores, 29 de outubro	16.30 h	7
Moaña	Pontevedra	Mércores, 29 de outubro	16.30 h	14
Santa Comba	Coruña, A	Mércores, 29 de outubro	16.30 h	19
Santiago de Compostela	Coruña, A	Mércores, 29 de outubro	16.30 h	16
Vilar de Santos	Ourense	Mércores, 29 de outubro	16.30 h	6

Localidade	Provincia	Día	Hora	Prazas
Boborás	Ourense	Xoves, 30 de outubro	10.00 h	12
Boiro	Coruña, A	Xoves, 30 de outubro	10.00 h	11
Castrelo de Miño	Ourense	Xoves, 30 de outubro	10.00 h	9
Coruña, A	Coruña, A	Xoves, 30 de outubro	10.00 h	16
Estrada, A	Pontevedra	Xoves, 30 de outubro	10.00 h	10
Fisterra	Coruña, A	Xoves, 30 de outubro	10.00 h	10
Lugo	Lugo	Xoves, 30 de outubro	10.00 h	12
Moaña	Pontevedra	Xoves, 30 de outubro	10.00 h	14
Oroso	Coruña, A	Xoves, 30 de outubro	10.00 h	14
Pontevedra	Pontevedra	Xoves, 30 de outubro	10.00 h	20
Porriño, O	Pontevedra	Xoves, 30 de outubro	10.00 h	12
Ribeira	Coruña, A	Xoves, 30 de outubro	10.00 h	10
Santiago de Compostela	Coruña, A	Xoves, 30 de outubro	10.00 h	16
Tomíño	Pontevedra	Xoves, 30 de outubro	10.00 h	9



Localidade	Provincia	Día	Hora	Prazas
Vilagarcía de Arousa	Pontevedra	Xoves, 30 de outubro	10.00 h	20

Localidade	Provincia	Día	Hora	Prazas
Barco, O	Ourense	Xoves, 30 de outubro	12.00 h	12
Boborás	Ourense	Xoves, 30 de outubro	12.00 h	12
Castrelo de Miño	Ourense	Xoves, 30 de outubro	12.00 h	9
Lugo	Lugo	Xoves, 30 de outubro	12.00 h	12
Moaña	Pontevedra	Xoves, 30 de outubro	12.00 h	14
Ortigueira	Coruña, A	Xoves, 30 de outubro	12.00 h	10
Ribeira	Coruña, A	Xoves, 30 de outubro	12.00 h	10
Santiago de Compostela	Coruña, A	Xoves, 30 de outubro	12.00 h	16
Tomíño	Pontevedra	Xoves, 30 de outubro	12.00 h	9
Valga	Pontevedra	Xoves, 30 de outubro	12.00 h	12
Vigo	Pontevedra	Xoves, 30 de outubro	12.00 h	12
Vilagarcía de Arousa	Pontevedra	Xoves, 30 de outubro	12.00 h	20

Localidade	Provincia	Día	Hora	Prazas
A Cañiza	Pontevedra	Xoves, 30 de outubro	16.30 h	18
Campo Lameiro	Pontevedra	Xoves, 30 de outubro	16.30 h	10
Coruña, A	Coruña, A	Xoves, 30 de outubro	16.30 h	16
Marín	Pontevedra	Xoves, 30 de outubro	16.30 h	15
Moaña	Pontevedra	Xoves, 30 de outubro	16.30 h	14
Ortigueira	Coruña, A	Xoves, 30 de outubro	16.30 h	10
Poio	Pontevedra	Xoves, 30 de outubro	16.30 h	6
Santiago de Compostela	Coruña, A	Xoves, 30 de outubro	16.30 h	16
Sarreaus	Ourense	Xoves, 30 de outubro	16.30 h	7
Vicedo, O	Lugo	Xoves, 30 de outubro	16.30 h	6
Vilar de Santos	Ourense	Xoves, 30 de outubro	16.30 h	6

Localidade	Provincia	Día	Hora	Prazas
A Cañiza	Pontevedra	Venres, 31 de outubro	10.00 h	18
Ames	Coruña, A	Venres, 31 de outubro	10.00 h	13
Barreiros	Lugo	Venres, 31 de outubro	10.00 h	12
Boborás	Ourense	Venres, 31 de outubro	10.00 h	12
Boiro	Coruña, A	Venres, 31 de outubro	10.00 h	11
Celanova	Ourense	Venres, 31 de outubro	10.00 h	12
Chantada	Lugo	Venres, 31 de outubro	10.00 h	20
Lugo	Lugo	Venres, 31 de outubro	10.00 h	12
Moaña	Pontevedra	Venres, 31 de outubro	10.00 h	14
Ortigueira	Coruña, A	Venres, 31 de outubro	10.00 h	10



Localidade	Provincia	Día	Hora	Prazas
Pontevedra	Pontevedra	Venres, 31 de outubro	10.00 h	20
Porriño, O	Pontevedra	Venres, 31 de outubro	10.00 h	12
Tomíño	Pontevedra	Venres, 31 de outubro	10.00 h	9
Valga	Pontevedra	Venres, 31 de outubro	10.00 h	12

Localidade	Provincia	Día	Hora	Prazas
A Cañiza	Pontevedra	Venres, 31 de outubro	12.00 h	18
Boborás	Ourense	Venres, 31 de outubro	12.00 h	12
Brión	Coruña, A	Venres, 31 de outubro	12.00 h	10
Carballo	Coruña, A	Venres, 31 de outubro	12.00 h	20
Cuntis	Coruña, A	Venres, 31 de outubro	12.00 h	9
Leiro	Ourense	Venres, 31 de outubro	12.00 h	7
Lugo	Lugo	Venres, 31 de outubro	12.00 h	12
Moaña	Pontevedra	Venres, 31 de outubro	12.00 h	14
Tomíño	Pontevedra	Venres, 31 de outubro	12.00 h	9
Vigo	Pontevedra	Venres, 31 de outubro	12.00 h	12
Vimianzo	Coruña, A	Venres, 31 de outubro	12.00 h	15

Localidade	Provincia	Día	Hora	Prazas
A Cañiza	Pontevedra	Venres, 31 de outubro	16.30 h	18
Leiro	Ourense	Venres, 31 de outubro	16.30 h	7
Moaña	Pontevedra	Venres, 31 de outubro	16.30 h	14
Poio	Pontevedra	Venres, 31 de outubro	16.30 h	6

